

առաքելական . յաստուածընկալ սրբոյ Նշանէս Վանկոյ , և ի յայլ սուրբ Նշանացս , և ի բազմաշնորհաբաշխ Այշոյս Սրբոյն Գրիգորի , և յերկնահանկէտ ստորք աթոռոյս մեր ստորք առաքելոցն Քաղէոսի և Բարդաղիմէոսի , և ի յայլ բազմութենէն ստորք նշխարացս առաքելոց և հայրապետաց և մարտիրոսաց , որք աստ կան հաւաքած . որոց արագահաս և սքանչելագործ կարաւոլ զօրութեամբն աւրհնութեամբն և աւգնականութեամբն՝ պահպանեալ փրկեսլիք ի յամենայն որոգայթից փորձութեանց վրտանկից հոգւոյ և մարմնոյ , տամբ և որդաւք և ամենայն գոյիւք . ամէն :

Գիտութիւն լիցի ձեզ ամենեցուն՝ իմ ի Քրիստոս Աստուած յոյժ սիրեցեալ ըստ հոգւոյ ցանկալի որդիք , բազմաշարչար երկեամբք ծնունդք աւետարանաւն ի Քրիստոս Աստուած Սրբոյն Գրիգորի . զի որպէս աւրէն է ծընընդական և մահկանացու բնութեանս փոխանակել զմիմեանս , որպէս որք ունին զմարմնաւորս իշխանութիւն , այսպէս և որք զհոգևորական վերակացութիւն . և ըստ ամին աւրինակի ես ինքն իբր զգթած հայր ի վերա սիրելի որդոց՝ ի վերա ձեր տապացած սիրով ի տուէ և ի գիշերի հոգս բազումս էի վասն ձեր , թէ զիսորդ էր բարիոք կեանքդ ձեր ի մէջ այլազգ քրիստոնէից , առանց իմաստուն հովուի և հոգևոր առաջնորդի : Չի թէպէտ որ էք ընդ ձեռամբ մեր , այլ պարտ է հաւտին առանձին քաջ հովիվ ունել և ըստ հոգւոյ վերատեսուչ , զի մի վնասեսցին ի յանմարմին գազանէն : Իսկ այնոքիկ որ մինչև ցայժմն կային առ ձեզ՝ առանց մերոյ աթոռոյս հրամանի , ոչ էին ուղղակի՝ այլ վարձկանք . և ես մեծաւ պաղատանաւք աւր ըստ աւրէ հայցէի յԱստուծոյ գտանել այր իմաստուն և հանճարեղ՝ ըստ սրտի իմոյ և ըստ գովելի արժանաց ձեր , կացուցանել ձեզ իպիսկոպոս և հոգևոր առաջնորդ . զոր այժմ ըստ հայցուածոց մեր լուաւ Աստուած աղաւթից մեր . և գտաք զովելի և իմաստուն զարժանապատուեալ և զառաքելաշնորհ եպիսկոպոս՝ զՏէր Գրիգորս , եկեալ առ մեզ , և աւրհնեցաք ձեզ եպիսկոպոս , և եղաք զինք ձեզ հովիւ և հոգևոր առաջնորդ . Այլ և մերով բարձր առաքելական և հայրապետական ամէներևելի հրամանաւս պարգևեցաք ըզձեզ՝ ըզլաւովդ և ըզԱւլայտէմիրտ իւր սահմանեալ վիճակաւդ՝ Ղուցկայիւ , իւր սեփական թեմ և վիճակ , աթոռ և հանգստեան տեղի , որպէս մեր քաջ սիրելի որդոյ . և մեծաւ պատուով և շերմն սիրալից հայրական գթով առաքեցաք զգա առ ձեզ մերով ամէներևելի աւրհնութեամբ հրամայական գրովս , իբր զփեսա ելեալ յառագաստէ՝ ի գրկաց մաւրս կաթուղիկէ և առաքելական եկեղեցւոյ . և աւգնականութեամբ և առաջնորդութեամբ Աստուծոյ գայ առ ձեզ . Չոր և մեր աղօթանուէր պաղատանաւք հայցեմք ի յամենակալ արարչէն ամենայն արարածոց , աղօթիւք Սրբոյն Գրիգորի , զի եկեալ մեծաւ փառաւք գտցէ զձեզ զամենեսեան առ հասարակ սիրովն Քրիստոսի , խաղաղութեամբ շինութեամբ , հոգւոյ և մարմնոյ առողջութեամբ , լի ամենայն բարութեամբ . կալ և շրջիլ ի միջի ձերում ուրախութեամբ , առաքելաբար խրատել և ուսուցանել զձեզ , գնալով յաւրէնս և ի պատուիրանս Աստուծոյ անարատութեամբ . և լիցի մեզ բարեաց